




## Fréttir af verkefninu og staða framkvæmda

- Nýtt hjólaskýli nánast fullklárað
- Gatnamót og undirgöng Burknagötu við Snorrabraut hafa verið opnuð
- Ný malbikuð bílastæði sunnan við nýju undirgöngin
- Jarðvegsframkvæmdir við Eirberg
- Bílastæði norðan við Eirberg
- Gerð nýrra bílastæða austan við Læknagarð
- Jarðvegsframkvæmdir við nýjan meðferðarkjarna
- Bílastæði við vesturgafl Gamla Spítala
- Akstursleið inn á framkvæmdasvæði meðferðarkjarna frá Læknagarði

## Framkvæmdir við gerð nýs hjólaskýlis



Nýtt hjólaskýli er nánast fullklárað. Unnið er í tengingum aðgangs, myndavéla og öryggiskerfa við kerfi LSH þessa dagana og verður skýlið tekið í notkun þegar þeirri vinnu er lokið.

Hjólaskýlið er staðsett við vesturenda bílastæðis við eldhús- og rannsóknastofubyggingu Landspítala og er með tveggja hæða hjólarekkum og er ætlað fyrir allt að 64 hjól.

Hjólaviðgerðarstandur verður í skýlinu fyrir smærri hjólaviðgerðir ásamt handvirkri hjólapumpu.

Nýja hjólaskýlið mun breyta miklu fyrir þá starfsmenn LSH sem nýta sér það að koma hjólandi til vinnu. Samgöngustefnu LSH má sjá hér:

<https://www.landspitali.is/um-landspitala/raudur-thradur/umhverfismal/>  
**(Sjá nr. 1 á korti)**

## Gatnamót og undirgöng Burknagötu við Snorrabraut hafa verið opnuð



Opnuð hefur verið akstursleið frá Snorrabraut inn á lóð Landspítala. Akstursleiðin er á gatnamótum þar sem Gamla Hringbrautin var upp við Snorrabraut og ber nýja gatan nafnið Burknagata. Einnig hafa verið opnuð undirgöng fyrir gangandi og hjólandi vegfarendur undir akstursleiðina. Vakin er athygli á því að meGINAÐGENGÍ að byggingum Landspítala fyrir sjúklinga er enn frá Barónsstíg og Eiríksgötu.

**(Sjá nr. 2 á korti)**

## Ný malbikuð bílastæði sunnan við undirgöng Burknagötu



Ný malbikuð bílastæði hafa verið tekin í notkun sunnan við undirgöng Burknagötu og eru þau ætluð starfsmönnum og gestum Landspítala og Háskóla Íslands. Athygli er vakin á því að gönguleiðin frá þessu nýja bílastæði í norður að byggingum LSH er í gegnum nýju undirgöngin undir Burknagötu.

(Sjá nr. 3 á korti)

## Jarðvegsframkvæmdir við Eirberg



Jarðvegsframkvæmdir á svæðinu sunnan við Eirberg standa yfir. Lagðar verða nýjar fráveitu- og vatnslagnir í gegnum svæðið jafnframt því að landið verður lækkað. Meðan á framkvæmdum stendur verður svæðið lokað og er starfsmönnum og gestum Landspítala bent á að nota bílastæðin sunnan við Burknagötu í millitíðinni. Framkvæmdir á svæðinu munu standa fram yfir áramót.

(Sjá nr. 4 á korti)

## Bílastæði norðan við Eirberg



Búið er að hanna ný bílastæði norðan við Eirberg. Malarstæðin verða malbikuð og gönguleiðir uppfærðar með nýjum umferðareyjum og hellumerkingum fyrir sjónskerta. Farið verður í þessar framkvæmdir öðru hvoru megin við áramót.

Bílastæðin verða gjaldskyld og ætluð sjúklingum og aðstandendum.

(Sjá nr. 5 á korti)

## Ný malarbílastæði austan við Læknagarð



19/11/2019 09:41:17 GMT

Um er að ræða 70 malarstæði sem eru ekki með gjaldskyldu ætluð starfsmönnum og nemendum.

Þess ber að geta að yfirleitt eru laus bílastæði á suðursvæði Landspítalans meðfram Hringbrautinni.

(Sjá nr. 6 á korti)

## Jarðvegsframkvæmdir við nýjan meðferðarkjarna



19/11/2019 11:24:15 GMT

Áfram er unnið að jarðvegsvinnu við uppgröft nýs meðferðarkjarna og miðar vinnu við það vel áfram.

Framkvæmdasvæði meðferðarkjarnans er komið í fulla stærð og áfram er unnið að bergstyrkingum á norðurvegg kjarnans.

Öll óviðkomandi umferð um framkvæmdasvæðið er bönnuð og svæðið vaktað til að auka öryggi vegfarenda. (Sjá nr. 7 á korti)

## Bílastæði við vesturgafl Gamla Spítala



19/11/2019 11:37:47 GMT

Unnið er að gerð nýrra bílastæða við vesturgafl Gamla Spítala.

Búið er að malbika bílastæðin en eftir á að ganga frá grjóthleðslu og göngustíg norðan við stæðin ásamt annarri frágangsvinnu áður en stæðin verða opnuð.

Bílastæðin verða fyrir sjúklinga og aðstandendur þeirra og verða gjaldskyld. (Sjá nr. 8 á korti)

## Mikilvægt að sýna varúð við akstur í námunda við vinnusvæði meðferðarkjarnans.




Allur akstur vinnutækja inn á vinnusvæði meðferðarkjarnans er frá götu út frá Læknagarði. Búið er að merkja gönguleiðir og göngubrautir yfir götuna fyrir gangandi vegfarendur en ökumönum er bent á að sýna aðgát við akstur á svæðinu.

Athygli er einnig vakin á því að allur akstur frá Vatnsmýrarvegi, við jaðar framkvæmdasvæðis, upp á Gömlu Hringbraut er bannaður nema akstur strætisvagna. (**Sjá nr. 9 á korti**)

### Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Akstursleið



Gönguleið



Vinnusvæði



---

## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmöglum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:  
Ásbjörn Jónsson verkefnastjóri NLSH, 841 7050 eða netfangið [asbjorn@nlsh.is](mailto:asbjorn@nlsh.is)  
Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is).

Sértaekar upplýsingar veitir af hálfu Landspítala Stefán Hrafn Hagalín 897 3644 [stefanh@landspitali.is](mailto:stefanh@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)



[nlsh.is](http://nlsh.is)

---

NLSH ohf. / Skúlagata 21, 101 Reykjavík / Aðalnúmer 551 6010 / kt. 500810-0410 / [postur@nlsh.is](mailto:postur@nlsh.is)

---